



Općina Ključ u saradnji sa UNDP – Projekat „Migracije i razvoj“ raspisuje

JAVNI POZIV

za odabir korisnika/ca za podizanje 0,2 ha (2 dunuma) malinjaka po korisniku na području općine Ključ za jesenju sadnju 2014.godine

Poziv je otvoren od 06.08. do 20.08.2014.godine

Formular za prijavu se može preuzeti u zgradi Općine Ključ – šalter sala

Općina Ključ u saradnji sa UNDP – Projekat „Migracije i razvoj“ će pomoći zainteresovane korisnike/ce u zasnivanju zasada malina.

Projektom je predviđena nabavka 20.000 komada kontejnerskih sadnica malina za površinu od 2,0 ha (20 dunuma), nabavka 10 bačvi i sistema za navodnjavanje kap po kap, nabavka materijala za izradu naslona i špalira, nabavka mineralnih đubriva i sredstva za zaštitu malinjaka za prvu godinu i nabavka 10 motornih-leđnih prskalica.

Po jednom korisniku za 0,2 ha (2 dunuma) planirana je nabavka i dodjela:

- 2.000 kontejnerskih sadnica,
- 1 bačva i sistem za navodnjavanje kap po kap,
- 66 betonskih stubova za naslone i žica za špalire,
- 1 analiza tla,
- mineralna đubriva i sredstva za zaštitu za prvu godinu i
- 1 motorna-leđna prskalica.

Edukacije:

- 1 posjeta malinjacima u okruženju,
- 5 edukacija od strane spoljnog saradnika,
- 5 posjeta od strane zaposlenika Službe za finansije, trezor i privredu.

Troškovi zasnivanja malinjaka za 0,2 ha (2 dunuma) iznose 5.000,00 KM.

Pravo učešća imaju sva fizička lica koja ispunjavaju opće i dodatne kriterije i koji obezbijede finansijsko učešće iz dijaspore u troškovima zasnivanja malinjaka u iznosu od 30% ukupnih troškova (1.500,00 KM).

Maksimalan broj korisnika/ca koji će biti odabrani putem Javnog poziva je 10 (deset). Ukoliko broj podnositelja/podnositeljki koji ispunjavaju uslove bude manji od 10 (deset), Komisija zadržava pravo da planiranu površinu zasada malina rasporedi na manji broj zainteresovanih korisnika koji ispunjavaju uslove.



1. Opći i dodatni kriteriji

	Opći kriteriji	Potrebni dokumenti
1.	Podnositelj/podnositeljka prijave mora imati prebivalište i ostvarivati prihod od primarne poljoprivredne proizvodnje ili poljoprivredne djelatnosti na teritoriji općine Ključ.	- CIPS izvadak, - Potvrda nadležne općinske službe da je podnositelj/podnositeljka registrovan/a, ili podnio/la zahtjev za upis u Registar poljoprivrednih gazdinstava i Registar klijenata, ili kopija Rješenja o obavljanju djelatnosti.
2.	Podnositelj/podnositeljka mora nesmetano raspolagati sa minimalno 0,2 ha (2 dunuma) zemljišta na kojem će se uzgajati maline. U ovu površinu ne smiju ulaziti ostali objekti i /ili zasadi koji se nalaze na parceli.	- Dokaz o vlasništvu nad zemljištem (original ili ovjerena kopija ZK izvataka) ili posjedovni list sa kopijom katastarskog plana na ime podnositelja/podnositeljke ili dokumenat na osnovu kojeg dokazuje postojanje prava (ugovor o kupoprodaji, ugovor o zakupu, ugovor o poklonu, ugovor o korištenju, pravosnažno rješenje o nasljeđivanju) sa priloženim ZK ili posjedovnim listom sa kopijom katastarskog plana koji glasi na ime davaoca prava. Ugovor mora biti zaključen na najmanje 10 godina.
3.	Zemljište mora biti pogodno za uzgoj maline (osunčano, prihvatljivog nagiba, bez viška podzemne vode, niskog terena, itd.).	-Komisija općine Ključ će izlaskom na teren utvrditi pogodnosti položaja i konfiguraciju zemljišta.
4.	Zemljište mora imati pristup putu i stalnom izvoru čiste vode za navodnjavanje (česma, bunar, čatrnja, potok i sl.)	-Komisija općine Ključ će izlaskom na teren utvrditi da li postoji adekvatan pristup putu i stalnom izvoru čiste vode.
5.	Finansijsko učešće korisnika u projektu.	-Ovjerena izjava da će korisnik/ca obezbijediti 30% ukupnih troškova (1.500,00 KM) iz dijaspore i da će sredstva biti uplaćena u roku od 15 dana po objavljivanju liste odabranih korisnika.
	Dodatni kriteriji	Potrebni dokumenti
6.	Podnositelj/podnositeljka živi u domaćinstvu u kojem su svi članovi nezaposleni, odnosno u kojem samo jedan član ima zaposlenje.	-Kućna lista. -Potvrda sa biroa.
7.	Podnositelj/podnositeljka je samohrani roditelj.	- Kućna lista. -Dokaz da se radi o samohranom roditelju (smrtni list supruga/e, rješenje o razvodu i rodni list djeteta). -CIPS izvadak.
8.	Podnositelj/podnositeljka uživa status povratnika.	-Potvrda o statusu povratnika izdata od nadležne institucije.



9.	Prednost se daje podnosiocu/ podnositeljici koji/a ima iskustvo u poljoprivrednoj proizvodnji voća i povrća	-Prijava na Javni poziv. Izlaskom Komisije općine Ključ na teren utvrdiće se nivo poljoprivredne aktivnosti.
10.	Prednost se daje podnosiocu/ podnositeljici koji imaju mogućnost proširenja proizvodnje za minimalno 0,1 ha (1dunum) u narednom periodu.	-Dokumenti kao pod rednim brojem 2.

Opći kriteriji su eliminatorni, dok će se dodatni kriteriji bodovati. Na osnovu osvojenih bodova sačinice se rang lista.

2. Proseć odabira

Proces odabira će se odvijati u dva koraka.

Prvi korak: Administrativna usklađenost i evaluacija administrativne prijave

- Komisija općine Ključ za odabir provodi pregled prijave i pregled usklađenosti prijave s administrativnim zahtjevima.
- Provjera da li je dostavljena sva potrebna dokumentacija.

Nepotpune prijave se neće uzimati u razmatranje.

Drugi korak: Terenske posjete i procjena podnosioca/podnositeljice

- Komisija općine Ključ će provoditi procjenu podnosioca/podnositeljice u okviru koraka administrativne usklađenosti.
- Komisija općine Ključ će procijeniti tačnost informacija navedenih u obrascu za prijavu.

Konaćni odabir

Svi podnosioci/podnositeljice koji/e uspješno prođu drugi korak evaluacije će se rangirati na osnovu bodovanja dodatnih kriterija i to na sljedeći naćin:



3. Sistem bodovanja za dodatne kriterije

Red. Br.	Dodatni kriterij	Indikator	Max bodova
1.	Podnositelj/podnositeljka živi u domaćinstvu u kojem su svi članovi nezaposleni, odnosno u kojem samo jedan član ima zaposlenje.	-Svi članovi domaćinstva nezaposleni = 20. -Jedan član domaćinstva zaposlen = 10.	20
2.	Podnositelj/podnositeljka je samohrani roditelj.	-Samohrani roditelj mlađi od 35 godina starosti = 20. -Samohrani roditelj stariji od 35 godina starosti = 10.	20
3.	Podnositelj/podnositeljka uživa status povratnika.	-DA, povratnik = 20. -NE, nije povratnik = 0.	20
4.	Prednost se daje podnositelju/ podnositeljki koji/a ima iskustvo u uzgoju jagodičastog voća.	-DA, ima iskustvo = 10. -NE, nema iskustvo = 0.	10
5.	Prednost se daje podnositelju/ podnositeljki koji imaju mogućnost proširenja proizvodnje za minimalno 0,1 ha (1dunum) u narednom periodu.	-Ima mogućnost proširenja više od 0,2 ha (2 dunuma) = 20. -Ima mogućnost proširenja od 0,1 ha (1 dunum) do 0,2 ha (2 dunuma) = 10. -NE, nema mogućnost proširenja = 0.	20
		U K U P N O	90

Komisija će prilikom odabira povesti račun da najmanje 30% odabranih podnositelja/podnositeljki bude jednog ili drugog spola. To znači da će se prilikom utvrđivanja konačne rang liste, ukoliko određeni podnositelji/podnositeljke budu imali isti broj bodova prednost dati onom spolu koji ne zadovoljava traženu kvotu.

Korisnici/ce koji budu odabrani/e biće blagovremeno obaviješteni/e, a rang lista će biti objavljena na oglasnoj tabli općine Ključ.

U roku od 15 dana po objavljivanju liste odabranih korisnika, korisnici su obavezni dostaviti dokaz o uplati sredstava iz dijaspore.



Općina Ključ će organizovati edukaciju o uzgoju malina za odabrane korisnike prije jesenje sadnje koja je planirana za oktobar 2014. godine.

Pozivaju se svi zainteresovani građani općine Ključ koji ispunjavaju gore navedene kriterije da popune formular i uz potrebne dokumente u zatvorenoj koverti sa naznakom „Prijava na Javni poziv za podizanje malinjaka za 2014. godinu“ dostave svoju prijavu lično u šalter salu Općine Ključ ili putem pošte na adresu: Općina Ključ, Branilaca BiH 78, 79 280 Ključ, najkasnije do 20.08.2014. godine do 15 sati.

Sve dodatne informacije možete dobiti na broj telefona: 661-100, lokal 109, ili u kancelariji broj 8.

OPĆINSKI NAČELNIK

Nedžad Zukanović, prof.